



Tuhaqtauyukhaq

Angmaqtiriqyuarutaatigut talvani Salliqmi Ulapqiaktuqvikiyuakhaani

SALLIQ, Nunavut (Qiqaiyarvia 2mi, 2012mi) – Haakiktun quakhayaaqtunlu aulalikmata talvani Salliqmi quyagiyaatikhaqmik angmaqtiryuarutaatigut Salliqmi Ulapqivikiyuakhaani.

Nangariyauyuq Eva Aariak, Hivulliqtiuyuq Nunavunmi, Nangariyauyuq Lorne Kusugak, Ministauplunilu Nunalingni Kavamatkunnilu Pivikhaqautikkut, ilauyuklu Jeannie Ugyuk, Maligaliuqti Nattilik, Johnny Ningeongan, Maligaliuqti Nanulikmi taimalu Jerry Panniuq, Miyauyuq Salliqmi ilauhimayut angmaqtirluaqvikkut Salliq Ulapqiaktuqvikiyuakhaangit ubluumi.

“Nunavut Kavaman quviahuktun tutqumayukhaqnik maningnik taima \$2.05 milian tallamik talvani Salliip nuutaangani ulapqiaktuqvikiyuakhaanik,” uqallaktuq Hivulliuqtiuyuq Eva Aariak. “Ikayukhimaagiangat Nunavunmiutat hivuniqagiangat hulilukaagiangat quvianaqtunik inuurhiryangatu inuuhiani piyauluaqtayumayut talvani Kavamangit *Tamapta-mi* atuqtauyukhat taima una nuutaaq ulapqiaktuqvikhaat aulaniaqtuq qitqaniluni talvuuna ulapqitjutikhaqnik pitquhiliqinikkutlu hulilukaagiangat talvani Salliqmi.”

Tamna Salliqmi ulapqiaktuqvikhaat aulaniaqtuq atuqlutik hikuluaqnik hikuliungangitunik haakiknakhiraangat. Hunavaluit atuqtauyut talvuuna hivniraalukmut atugiangat ilauqaqtuq taima uyaraliukhimayunik uyaraqyuqnik, qingaaqqluni taima puvitqungnaqtumik anikhaanirmik hilaamit ulapqivikiyuqmin atuqniaqtun niglaumayaangat hiku taimalu unaqtuqaqniit ataani uyaraqyuangit taima unaqningiit utifaagiangat avatinirmut.

“Ihuaqhaitjutikhat uminga akhuuqnaqtumik ulapqivikhaqyuamut hivunirtitinaqtuq taima Tattiaqnaqtumi taimunga upinganguliqan,” uqallaktuq Minista Kusugak. “Una aturuminaqtuq hanaqitjutikhaq atuqtaunginaliktuq napaqtigiliraangamik nuutaanik ulapqivikiyuanganik taimaini Nunavunmi ilitugipkaiyaangat hilatiptingnik allanguqtirinikkut. Taima Nunavunmiutat piqattiagiangat haakiknakhikhaanik ukiuk tamaat taima una atuqtaunginaqtuq hanaqitjutikhaq.”

Una havaaqhaq ilitagiyauhimayut talvuuna amigaitunik katimatjutikhaptingnik Haamilaatkunin, talvuuna hilakput allanguqtirinikkut; hiku atuqvianga qaffiuyuni nunalaanganiitun ikiklilaaqpaktuq hivunirmuunikkut ukiunganit. 2009mi Havakviat Nunalingni Kavamatkunnilu Pivikhaqautikkutlu aulatitivaktun akituvalaangitumik ihivriutjutikhaqnik talvani Arviatmi Salliqmilu taima ihivriuttiagiangat hivutunikhaanga hikum atuqvikhaangit.

Talvangaanin iniqtirinikkut ihivriutjutiit, qaffiuyutlu nunalaangit aituqtauhimayut uuminga akhuuqnaqtumi hanaqitjutikhaqmin. Arviatmi Igloolik Sanikiluaqilu ihuaqhaqtauhimayaat ulapqivikiyuangit nuutaamiklu ulapqivikhaq napaqtirihimayut talvani Nauyaatmi, Qausuittuqmi, Mittimatalikmilu iqatigiikhutik uuminga aulatitjutikhaq hikumik halrutitigut taima aulaniaqtuq piqaqhimaagiangat nunalaani piumayayununut talvuuna hilatiptini allanguqtirinikkut.

###

Tuhaqtitiuyut Hivayaqlugit:

Elissa McKinnon, Tuhaqtitiliqiyi
Havakviat Nunalingni Kavamatkunnilu Pivikhaqautikkut

☎ (867) 975-5342 / ✉ emckinnon@gov.nu.ca